

**SENARIO PEMILIHAN PASANGAN DAN AKTIVITI SALAHLAKU SEKS
DALAM KALANGAN PESERTA KURSUS PRA PERKAHWINAN ISLAM
DI DAERAH JOHOR BAHRU**

FAKHRURRAZI BIN YUSOF

UNIVERSITI TEKNOLOGI MALAYSIA

**SENARIO PEMILIHAN PASANGAN DAN AKTIVITI SALAH LAKU SEKS
DALAM KALANGAN PESERTA KURSUS PRA PERKAHWINAN ISLAM
DI DAERAH JOHOR BAHRU**

FAKHRURRAZI BIN YUSOF

**Laporan projek ini dikemukakan
sebagai memenuhi sebahagian daripada syarat
penganugerahan Sarjana (Pendidikan)
Bimbingan dan Kaunseling**

**Fakulti Pendidikan
Universiti Teknologi Malaysia**

PENGHARGAAN

Dengan nama Allah Yang Maha Pemurah lagi Maha Penyayang. Segala puji bagi Allah S.W.T. Selawat dan salam ke atas junjungan mulia, Nabi Muhammad S.A.W serta ahli keluarga dan para sahabatnya.

Ribuan terima kasih dirakamkan kepada ayahanda (Hj Yusof bin Mohd Karim) dan bonda (Hjh Junidah binti Abdul Hamid) kerana sentiasa memberi semangat, doa dan dorongan kepada saya dalam menjalani sesi pengajian ini. Sesungguhnya pergorbanan dan kasih sayang kalian tidak sekali-kali mampu untuk dibalas. Hanya doa dan harapan agar kalian bahagia dengan kasih sayang Allah SWT di dunia dan akhirat.

Di kesempatan ini juga, ingin saya mengucapkan setinggi-tinggi perhargaan dan jutaan terima kasih kepada Dr Faizah Abd Ghani selaku pensyarah penyelia kajian ini yang begitu berdedikasi memberi ilmu, tunjuk ajar, nasihat, teguran dan buah fikiran yang sangat bermanfaat sepanjang menyepurnakan kajian ini. Selain itu, sekalung penghargaan buat semua tenaga pengajar yang turut ikhlas menyumbang bakti dan mencerah ilmu kepada saya sepanjang tempoh pengajian saya di UTM ini. Moga Allah SWT memberi kebaikan kepada kalian.

Buat isteri saya (Hamidah binti Abdul Rahman @ Sulaiman) dan anak-anak tersayang Sofea Izzati, Izyani Fasihah, Muhammad Harith, Aisyah Najihah dan Muhammad Hakim, terima kasih di atas sokongan dan kesabaran kalian menghadapi kesibukan suami dan ayahmu di sepanjang tempoh pengajian ini. Semoga kita semua menyedari bahawa ilmu Allah SWT tidak akan habis untuk ditimba dan manfaatkanlah sebaiknya untuk kehidupan dunia dan akhirat kita.

Di samping itu juga saya ingin merakamkan ucapan ribuan terima kasih kepada Jabatan Agama Johor (JAJ) terutamanya Pengarah JAJ (Dato' Hj Abdul Razak), Ketua Penolong Pengarah Bahagian Pembangunan Keluarga JAJ (Ustazah Hjh Alina Wong binti Abdullah) dan Kadi Daerah Johor Bahru, para pengajur kursus Pra Perkahwinan Daerah Johor Bahru, dan semua pihak yang terlibat dalam menjayakan penyelidikan ini.

Akhir sekali, salam penghargaan buat rakan-rakan seperjuangan dan rakan-rakan sekerja di Jabatan Agama Johor dan semua pihak yang telah banyak membantu secara langsung atau tidak langsung dalam melancarkan urusan pengajian ini. Semoga Allah SWT membalasnya dengan kebaikan dan rahmatNya. Amin

ABSTRAK

Kajian ini dijalankan untuk mengenalpasti senario pemilihan pasangan berdasarkan empat faktor utama iaitu harta, keturunan, kecantikan dan agama serta kecenderungan perlakuan salahlaku seks dalam kalangan peserta kursus pra perkahwinan Islam yang diadakan di daerah Johor Bahru. Kajian ini juga turut mengenalpasti hubungan antara kecenderungan memilih pasangan dengan perlakuan aktiviti salah laku seks di kalangan responden. Seramai 500 orang responden terlibat dalam kajian ini dan data kajian dikumpul dengan menggunakan borang soal selidik serta dianalisis menggunakan program SPSS versi 16.0. Nilai Alpha Cronbach item dalam kajian rintis yang telah dijalankan untuk soal selidik ialah 0.797. Daripada hasil kajian, didapati kriteria agama masih diberi keutamaan dalam pemilihan pasangan ($\mu=2.38$) dan diikuti oleh kecantikan ($\mu=2.02$), keturunan ($\mu=1.94$) dan harta ($\mu=1.93$). Namun, kajian ini menunjukkan wujud satu pola kecenderungan yang membimbangkan kerana faktor agama kurang diberi keutamaan dalam pemilihan pasangan oleh sebahagian responden. Selain itu, hasil kajian juga mendapati bahawa wujud perlakuan salah laku seks yang melibatkan aktiviti berpegangan tangan (80.2%), berpelukan (64.6%), berciuman (52.6%), meraba (42.0%), oral seks (33.0%) dan melakukan persetubuhan atau zina (28.0%) dalam kalangan responden. Dapatan kajian juga telah mendapati hanya kecenderungan memilih pasangan berdasarkan harta dan keturunan yang mempunyai hubungan signifikan terhadap perlakuan salahlaku seks sebelum berkahwin. Beberapa cadangan dan saranan dinyatakan sebagai panduan kepada pihak-pihak berkaitan dalam menangani faktor-faktor negatif yang telah dikenalpasti dalam kajian ini selain daripada menambahbaik usaha-usaha pembangunan modal insan yang telah dilaksanakan.

ABSTRACT

This study was conducted to identify mate selection scenarios based on four main factors, namely property, lineage, beauty and religion as well as the tendency of sexual misconduct behaviors among the participants of pre Islamic wedding course held in Johor Bahru. This study also identified the relationship between the tendency of choosing a mate with sexual misconduct activity behaviors among respondents. A total of 500 respondents participated in this study and data were collected using of questionnaires and analyzed by using SPSS version 16.0. The value of Alpha Cronbach for the items in the pilot study that was conducted for the questionnaire was 0.797. From the results, it was found religious criteria are given priority in the mate selection ($\mu=2.38$), followed by beauty ($\mu=2.02$), lineage ($\mu=1.94$) and property ($\mu=1.93$). However, this study had shown that there was a pattern of worrying tendency because religious factor had given less priority in the selection of pairs by some respondents. The study also found that there were acts of sexual misconduct involving holding hands (80.2%), hugging (64.6%), kissing (52.6%), rubbing (42.0%), oral sex (33.0%) and sexual intercourse or zina (28.0%) among the respondents. The study also found that the majority of respondents were identified have been involved in one or more of the sexual misconduct activities. However, studies had found only a tendency of choosing a mate based on property and lineage which had significant relations to the sexual misconduct behavior before marriage. Therefore, some suggestions and recommendations were given as a guide to the relevant parties in dealing the negative factors that had been identified in this study apart from efforts to improve human capital development that had been implemented.

SENARAI KANDUNGAN

BAB	PERKARA	MUKA SURAT
	JUDUL	ii
	PENGHARGAAN	v
	ABSTRAK	vi
	ABSTRACT	vii
	SENARAI KANDUNGAN	viii
	SENARAI JADUAL	xiv
	SENARAI RAJAH	xvii

BAB	TAJUK	MUKA SURAT
1	PENGENALAN	
	1.1 Pengenalan	1
	1.2 Latar Belakang Masalah	8
	1.3 Pernyataan Masalah	18
	1.4 Objektif Kajian	19

1.5 Persoalan Kajian	20
1.6 Hipotesis Kajian	20
1.7 Kerangka Konsep Kajian	23
1.8 Batasan Kajian	24
1.9 Kepentingan Kajian	25
1.9.1 Majlis Agama Johor dan Jabatan Agama Johor	26
1.9.2 Tenaga pengajar Kursus Pra Perkahwinan	26
1.9.3 Para pendakwah dan aktivis sosial	26
1.10 Definisi Konsep Dan Operational	27
1.10.1 Pemilihan pasangan	27
1.10.2 Bakal pengantin	28
1.10.3 Agama	28
1.10.4 Salahlaku seksual	28
1.11 Penutup	31
2 SOROTAN KAJIAN	
2.1 Pengenalan	32
2.2 Teori-Teori Berkaitan	32
2.2.1 Pemilihan pasangan	32
2.2.1.1 Teori keserasian (<i>Compatibility Theory</i>)	33
2.2.1.2 Teori Peranan Sosial (<i>Social Role Theory</i>)	34
2.2.1.3 Teori <i>Sosial Exchange</i> atau <i>Equity Model</i>	34
2.2.1.4 Teori <i>Marriage Gradient</i>	37

2.2.1.5	Teori Rangkaian Sosial (<i>Social Networks</i>)	38
2.2.1.6	Teori <i>Stage Models of Compatibility</i>	39
2.2.1.7	Teori <i>Wheel</i>	39
2.2.2	Salah Laku Seks	40
2.2.2.1	Teori Personaliti Islam	40
2.2.2.2	Teori Humanistik	42
2.2.2.3	Teori Psikoanalisis	43
2.3	Kajian-Kajian Lepas	45
2.3.1	Kajian Dalam Negara	45
2.3.2	Kajian Luar Negara	47
2.4	Kesimpulan	52
3	METODOLOGI KAJIAN	
3.1	Pengenalan	53
3.2	Reka bentuk kajian	54
3.3	Tempat Kajian	56
3.4	Populasi Dan Persampelan Kajian	59
3.5	Instrumen Kajian	62
3.5.1	Bahagian A – Butir-Butir Diri Responden	62
3.5.2	Bahagian B – Inventori Pemilihan Pasangan	63
3.5.3	Bahagian C – Soal Selidik salah laku seksual	66
3.6	Kajian Rintis	67

3.7	Kesahan Dan Kebolehpercayaan	68
3.8	Prosedur Kajian	69
3.9	Penganalisaan Data	70
3.9.1	Statistik Diskriptif	70
3.9.2	Statistik Inferensi	71
3.10	Jangka Masa Kajian	73
3.11	Kesimpulan	74
4	DAPATAN KAJIAN	
4.1	Pengenalan	75
4.2	Profil Responden	76
4.2.1	Jantina	77
4.2.2	Umur	77
4.2.3	Bangsa	78
4.2.4	Status Kerakyatan	79
4.2.5	Status Perkahwinan	79
4.2.6	Status Pendidikan Tertinggi	80
4.2.7	Pekerjaan	81
4.2.8	Pendapatan	81
4.3	Analisa Pemilihan Kriteria Pasangan	82
4.3.1	Agama	84
4.3.2	Kecantikan	89
4.3.3	Keturunan	92

4.3.4	Harta	97
4.4	Analisa Aktiviti Salahlaku Seksual	102
4.4.1	Berpegangan tangan	103
4.4.2	Meraba atau diraba	104
4.4.3	Mencium atau dicium	104
4.4.4	Memeluk atau dipeluk	105
4.4.5	Oral seks	106
4.4.6	Melakukan persetubuhan (zina)	107
4.5	Hubungan Antara Pemilihan Kriteria Pasangan Dengan Salahlaku Seks	108
4.5.1	Hubungan Berpegangan Tangan dengan Kriteria Pemilihan Pasangan	109
4.5.2	Hubungan Memeluk atau dipeluk dengan Kriteria Pemilihan Pasangan	110
4.5.3	Hubungan Meraba atau diraba dengan Kriteria Pemilihan Pasangan	111
4.5.4	Hubungan Mencium atau dicium dengan Kriteria Pemilihan Pasangan	113
4.5.5	Hubungan Oral Seks dengan Kriteria Pemilihan Pasangan	114
4.5.6	Hubungan Melakukan persetubuhan (zina) dengan Kriteria Pemilihan Pasangan	116
4.6	Kesimpulan	118
5	PERBINCANGAN, CADANGAN DAN RUMUSAN	
5.1	Pengenalan	119

5.2 Perbandingan hasil kajian lepas	120
5.2.1 Pemilihan pasangan	120
5.2.2 Salah laku seks	123
5.3 Analisa dan perbincangan kecenderungan pemilihan pasangan	127
5.3.1 Kriteria agama	127
5.3.2 Kriteria kecantikan	129
5.3.3 Kriteria keturunan	132
5.3.4 Kriteria harta	134
5.4 Analisa kecenderungan salahlaku seks	137
5.5 Hubungan antara faktor pemilihan pasangan dengan aktiviti salah laku seks	140
5.6 Cadangan	142
5.6.1 Cadangan berdasarkan dapatan kajian	142
5.6.2 Cadangan Kajian Lanjutan	145
5.7 Rumusan	146
Bibliogafi	148
Lampiran A	152

SENARAI JADUAL

NO JADUAL	TAJUK	MUKA SURAT
1.1	Pendaftaran Perceraian Di Malaysia Bagi Tahun 1990 Hingga 2010	10
1.2	Statistik Aduan Khidmat Nasihat Mengikut Klasifikasi Kes Di Seluruh Negeri Johor Bagi Tahun 2009 Hingga 2011	11
1.3	Pendaftaran Perceraian Di Negeri Johor Bagi Tahun 2001 Hingga 2010	13
1.4	Statistik Kesalahan Jenayah Syariah Yang Berkaitan Dengan Aktiviti Seks Yang Melibatkan Pasangan Bukan Suami Isteri Di Negeri Johor Bagi Tahun 2008 Hingga 2010	17
3.1	Senarai Pengajur Kursus Praperkahwinan Islam Di Johor 2012	57
3.2	Statistik Peserta Kursus Praperkahwinan Islam Di Johor Bagi Tahun 2009 Dan 2011	58
3.3	Senarai Pengajur dan lokasi pengajuran Kursus Pra Perkahwinan Islam 2012	59
3.4	Penentuan Saiz Sample oleh Krejcie,R.V dan Morgan D.W (1970)	61
3.5	Skor Bagi Faktor Demografi	63
3.6	Jadual Skala Lima Mata	64
3.7	Skala Pemeringkatan Item	65
3.8	Item Positif Dan Negatif Dalam Inventori Pemilihan Pasangan	65
3.9	Senarai Aktiviti Salahlaku Seks	66

3.10	Penilaian Lima Mata	66
3.11	Jadual Tahap Nilai Min	71
3.12	Garis Panduan Guilford's Rule Of Thumbs	72
3.13	Penentuan hipotesis Null berdasarkan nilai signifikan	72
4.1	Taburan Responden Berdasarkan Jantina	77
4.2	Taburan Responden Berdasarkan Umur	78
4.3	Taburan Responden Berdasarkan Bangsa	78
4.4	Taburan Responden Berdasarkan Status Kerakyatan	79
4.5	Taburan Responden Berdasarkan Status Perkahwinan	79
4.6	Taburan Responden Berdasarkan Tahap Pendidikan Tertinggi	80
4.7	Taburan Responden Berdasarkan Jenis Pekerjaan	81
4.8	Taburan Responden Berdasarkan Pendapatan	82
4.9	Tahap Skor Pemilihan Kriteria Pemilihan Pasangan (kecantikan, keturunan, harta dan agama)	83
4.10	Skor Kekerapan Dan Peratus Bagi Item Kriteria Agama Dalam Inventori Pemilihan Pasangan	85
4.11	Skor Kekerapan Dan Peratus Bagi Item Kriteria Kecantikan Dalam Inventori Pemilihan Pasangan	89
4.12	Skor Kekerapan Dan Peratus Bagi Item Kriteria Keturunan Dalam Inventori Pemilihan Pasangan	93
4.13	Skor Kekerapan Dan Peratus Bagi Item Kriteria Agama Dalam Inventori Pemilihan Pasangan	97
4.14	Peratus Kekerapan Aktiviti Salah Laku Seks	102
4.15	Skor Kekerapan Aktiviti Berpegangan Tangan	103

4.16	Skor Kekerapan Aktiviti Meraba Atau Diraba	104
4.17	Skor Kekerapan Aktiviti Mencium atau dicium	105
4.18	Skor Kekerapan Aktiviti Memeluk atau dipeluk	106
4.19	Skor Kekerapan Aktiviti Oral seks	107
4.20	Skor Kekerapan Aktiviti Melakukan persetubuhan (zina)	108
4.21	Hubungan Pemilihan Kriteria Pasangan Dengan Aktiviti Salahlaku Seks Berpegangan tangan	110
4.22	Hubungan Pemilihan Kriteria Pasangan Dengan Aktiviti Salahlaku Seks Memeluk atau dipeluk	111
4.23	Hubungan Pemilihan Kriteria Pasangan Dengan Aktiviti Salahlaku Seks Meraba atau diraba	113
4.24	Hubungan Pemilihan Kriteria Pasangan Dengan Aktiviti Salahlaku Seks Mencium atau dicium	114
4.25	Hubungan Pemilihan Kriteria Pasangan Dengan Aktiviti Salahlaku Seks Oral Seks	116
4.26	Hubungan Pemilihan Kriteria Pasangan Dengan Aktiviti Salahlaku Seks Melakukan persetubuhan (zina).	117

SENARAI RAJAH

NO RAJAH	TAJUK	MUKA SURAT
1.1	Hipotesis Kajian	23
1.2	Kerangka Konsep Kajian	24

SENARAI LAMPIRAN

LAMPIRAN	TAJUK	MUKA SURAT
A	Borang Soal Selidik	152

BAB 1

PENDAHULUAN

1.1 Pengenalan

Perkahwinan merupakan fitrah yang terdapat dalam diri manusia, haiwan dan tumbuh-tumbuhan. Ia selaras dengan intipati al-Quran dari surah Yassin ayat 36 yang bermaksud ;

“Maha Suci Allah yang telah menjadikan pasangan-pasangan semuanya, baik daripada apa-apa yang ditumbuhkan di bumi dan daripada diri mereka mahupun daripada apa-apa yang tidak diketahui oleh mereka.”

Hal ini dapat dibuktikan melalui ciptaan-ciptaan geografi yang ternyata wujud secara berpasang-pasangan termasuklah kejadian lelaki dan perempuan.

Dari sudut berlainan, Islam mengiktiraf peranan manusia sebagai makhluk terbaik dan memiliki keistimewaan yang lebih berbanding makhluk yang lain. Perkara ini dirakamkan dalam al-Quran yang bermaksud ;

“Sesungguhnya kami telah menjadikan manusia dengan sebaik-baik penciptaan” (Surah At-Tin : Ayat 4)

Melalui ayat tersebut kita dapat mengetahui bahawa manusia mempunyai nilai kemuliaan yang sewajarnya diiktiraf oleh diri mereka sendiri. Menurut Qutub, Muhammad (1973) kemuliaan yang dimiliki oleh manusia akan berkekalan selagi mana mereka patuh dan akur dengan setiap perkara yang ditentukan oleh Allah S.W.T di samping sentiasa melakukan amalan baik. Mahmud Abbas al-‘Aqqad (1996) yang merujuk ayat 9 dari surah az-Zumar di dalam al-Quran turut menegaskan bahawa kemuliaan manusia tidak boleh ditentukan oleh kasta atau kekayaan material tetapi ia boleh diperolehi selagi mana mereka sentiasa berusaha menjadikan dirinya sebagai hamba Allah S.W.T yang patuh dengan suruhan dan meninggalkan segala larangannya.

Oleh kerana manusia mempunyai naluri untuk berpasangan, maka Islam telah menggariskan galakan untuk berkahwin dan menegaskan beberapa larangan yang berhubung dengannya. Pada hakikatnya galakan dan larangan yang diberikan dapat membuktikan nilai kehambaan dan ketataan atau kederhakaan seseorang terhadap Allah S.W.T. Dalam ertikata yang lain, umat Islam sentiasa terbimbang dengan nilai kehambaan kepada Tuhan yang akhirnya kemuliaan sebagai manusia dapat dimiliki , manakala perlanggaran batasan keagamaan akan menyebabkan ia tidak lagi dipandang mulia.

Islam menjelaskan maksud perkahwinan berdasarkan intipati ayat 21 dari surah ar-Rum sebagai satu komitmen yang serius di antara lelaki dan perempuan untuk hidup bersama sepanjang hayat kerana tujuan berumah tangga ialah untuk mencari ketenangan dan kedamaian di dalam hidup. Tafsiran ini agak berbeza dengan pandangan barat yang hanya mengaitkan perkahwinan dengan keperluan sosial dan kelangsungan hidup. Menurut Linton (1936) perkahwinan merupakan proses penyatuan sosial antara dua manusia berlainan jenis dan membentuk satu institusi sosial kerana sifat yang tekal bagi meneruskan kelangsungan hidup.

Pandangan sisi Islam terhadap institusi keluarga dilanjutkan sebagai institusi yang terbina dari jalinan perkahwinan yang kemudiannya menjadi kelompok kecil dalam sistem sosial manusia. Ia dianggap unit terpenting dalam sesebuah masyarakat yang akhirnya berkeupayaan membentuk sebuah tamadun. Dalam erti kata lain, jika baik acuan dalam sesebuah keluarga, maka akan baiklah masyarakatnya, tetapi jika sebaliknya, maka akan hancurlah masyarakat tersebut. Justeru, pembentukan institusi kekeluargaan merupakan teras atau tulang belakang kepada pembentukan masyarakat yang lebih besar.

Sememangnya telah menjadi lumrah dalam kehidupan berkeluarga atau berumahtangga, setiap individu yang terlibat mempunyai matlamat yang sama iaitu mencapai kebahagiaan. Ini kerana secara fitrah tidak ada seorang pun yang sanggup meletakkan penderitaan, penindasan dan kegagalan sebagai matlamat hidup mereka. Menurut al-Shaikh Khalid dalam kitabnya *Adab al Hayah al Zawjah*, perkahwinan yang dilakukan bukan sekadar untuk kepuasan nafsu, tetapi untuk mencapai ketenangan jiwa dan hati (bahagia).

Walaupun kebahagiaan bukan sesuatu yang boleh dijelaskan dengan kata-kata, penampilan mimik muka yang ceria atau seumpamanya lantaran dari sifatnya yang abstrak, namun ia boleh digambarkan melalui nilai-nilai yang mampu mencetuskan rasa kasih sayang (mawaddah), kepuasan, bersyukur, keharmonian dan rasa tanggungjawab yang diadaptasikan oleh setiap ahli dalam sesebuah keluarga. Melalui hakikat inilah, maka unsur material seperti kekayaan harta benda dan pangkat kedudukan bukan lagi menjadi satu keutamaan dalam mencapai bahagia sekiranya unsur kejiwaan yang lahir daripada hati tidak diurus dengan baik.

Dalam konteks perkahwinan , strategi yang boleh diusahakan untuk memastikan rumah tangga terhindar dari kerosakan adalah melalui penggabungan prinsip keluarga *Sakinah, Mawaddah* dan *Rahmah*. Menurut Imam Fakhr al-Razi (1981) dalam kitabnya *Tafsir al-Kabir* menyatakan bahawa *Sakinah, Mawaddah* dan *Rahmah* merupakan

hubungan kejiwaan yang wujud dari fitrah kemanusiaan. Walaupun yang demikian, prinsip *Sakinah* lebih menjurus ke arah ketenangan, aman dan damai iaitu dalam konteks yang lebih luas, ia terhindar dari unsur-unsur konflik dan masalah sama ada dari segi fizikal, minda ataupun psikologi. Prinsip *Mawaddah* pula menekankan perasaan kasih sayang, mencintai dan ingin bersama. Ia lahir daripada manifestasi *sakinah* yang sedia wujud dalam sesebuah keluarga, manakala *Rahmah* pula lebih tertumpu kepada rasa belas ihsan dan saling memerlukan selaras dengan keperluan prinsip *mawaddah* yang lahir daripada suasana *sakinah* dalam sesebuah keluarga. Dalam erti kata yang lebih jelas, ketiga-tiga prinsip tersebut menepati segala bentuk keperluan dalam sesebuah perkahwinan dan ia boleh direalisasikan melalui pelbagai bentuk budaya dan amalan keluarga yang positif.

Walaupun perkahwinan amat digalakkan di dalam Islam, namun beberapa perkara perlu diberi perhatian terutamanya yang berkaitan dengan aspek pemilihan pasangan. Kriteria bakal suami atau isteri sangat penting diberi perhatian dan dititik beratkan oleh setiap orang yang bakal melalui alam berumahtangga dalam fasa kehidupannya. Pemilihan tersebut perlu dipastikan sama ada ia berlandaskan aspek keagamaan, nafsu, seks atau sebagainya.

Individu yang ingin berkahwin disarankan untuk mengenali terlebih dahulu bakal pasangannya secara mendalam agar nilai kebahagiaan dapat dirasai dengan sempurna. Rasulullah S.A.W pernah bertanya kepada seorang lelaki yang akan berkahwin dengan seorang wanita.” Sudahkah kamu melihat dia?” lelaki tersebut menjawab: “Belum”. Lalu Rasulullah S.A.W Bersabda :’Pergilah dan lihatlah dia.” (Riwayat Ahmad)

Malah Rasulullah S.A.W juga telah menegaskan berkenaan pemilihan jodoh bahawa seseorang wanita yang dikahwini lazimnya bersandarkan kepada empat perkara iaitu kerana harta atau sosio ekonomi, keturunan, kecantikan dan agamanya. Walaubagaimana pun, keutamaan harus diberikan terhadap aspek agamanya sebagai

jaminan kebahagiaan dalam rumah tangga. Ia dinyatakan dalam hadith sebagaimana berikut:

Dari Abu Hurairah r.a., Rasulullah S.A.W bersabda: “Wanita dikahwini kerana empat perkara iaitu kerana hartanya, keturunannya, kecantikannya dan agamanya. Pilihlah wanita yang baik agamanya, nescaya kamu akan bahagia.” (Riwayat Bukhari)

Ezad Azraai (2004) menjelaskan bahawa kriteria pemilihan pasangan bukan hanya tertumpu kepada faktor kecantikan rupa paras sahaja, bahkan ia merangkumi aspek keperibadian, keturunan, akhlak, agama dan kekuatan ekonomi atau material bakal pasangan tersebut.

Kepelbagaiannya faktor pemilihan pasangan yang telah disarankan oleh Islam secara jelas menunjukkan betapa pentingnya seseorang memilih pasangan hidup yang tepat dan sesuai demi memastikan kebahagiaan hidupnya setelah berkahwin. Sekiranya, perkara tersebut tidak diberi penekanan, maka dikhuatiri akan berlakunya ketirisan atau konflik dalam rumah tangga yang dibina termasuklah perceraian.

Menurut Zainal Azam Abdul Rahman (2005) antara faktor yang menyebabkan perceraian berlaku ialah kerana kurangnya pemahaman terhadap tujuan sesebuah perkahwinan. Malah beliau berpendapat bahawa adakalanya pasangan yang berkahwin adalah atas dasar nafsu semata-mata dan meninggalkan aspek tanggungjawab sebagai suami atau isteri dalam sebuah keluarga. Selain itu, perceraian sering berlaku berpunca daripada kurangnya penekanan ibubapa terhadap kriteria pemilihan pasangan bagi anak-anaknya terutamanya yang berkaitan dengan ciri-ciri atau sifat pasangan.

Menurut Pengarah Bahagian Makro Ekonomi, Unit Perancang Ekonomi (EPU) dalam laporan akhbar Harian Metro bertarikh 12 Jun 2012 menjelaskan bahawa kadar perceraian bagi rakyat Malaysia yang majoritinya melibatkan golongan yang berusia di

antara 18 dan 50 tahun berada pada kadar 0.22 peratus pada 2010, dan kadar tersebut meningkat berbanding 0.16 peratus pada 2005 dan 0.13 peratus pada tahun 2000.

Selain itu juga, Islam turut menekankan aspek keberkatan hidup sebagai asas kebahagiaan dalam rumahtangga. Dalam memahami gejala keruntuhan institusi kekeluargaan ini juga, persoalan keberkatan hidup wajar dikaitkan. Perkataan "berkat" dinukil daripada perkataan Arab iaitu "barakah" yang mana menurut Kamus Dewan Edisi Ketiga bermaksud rahmat dan restu. Amalan mendapatkan keberkatan pula dikenali sebagai "tabarruk". Keberkatan dalam konteks perkahwinan pula bermaksud bertambahnya kebaikan dalam kehidupan, amalan, usia, rezeki dan sebagainya yang menjadi keinginan bagi setiap pasangan yang berkahwin.

Muhammad Khalil 'Aytani (2010) menjelaskan bahawa Ar-Raghib Al-Isfahani menakrifkan keberkatan sebagai tetapnya kebaikan Ilahi di dalam sesuatu. Keberkatan dalam perkahwinan menunjukkan kebaikan Allah S.W.T di dalam perhubungan pasangan serta ahli keluarga yang di penuhi unsur-unsur ketaatan. Dalam erti kata yang lain, keberkatan boleh diperolehi melalui ketaatan terhadap suruhan Allah S.W.T dan meninggalkan segala laranganNya.

Amalan hidup yang tidak berlandaskan nilai keagamaan lazimnya akan menyebabkan seseorang terjebak ke dalam kebinasaan dan kerugian. Hal ini bertepatan dengan firman Allah S.W.T dalam surah al-Baqarah ayat 27 yang bermaksud;

"(iaitu) orang-orang yang mencabuli perjanjian Allah sesudah diperteguhkannya, dan memutuskan perkara yang disuruh Allah supaya diperhubungkan, dan mereka pula membuat kerosakan dan bencana di muka bumi. Mereka itu ialah orang-orang yang sungguh rugi."

Hakikat ini boleh dinilai sebagai intipati pengajaran hidup yang ditampilkan oleh setiap anutan atau kepercayaan terutamanya Islam yang dapat dilihat melalui firman Allah S.W.T yang bermaksud ;

"Sesungguhnya Allah menyuruh berlaku adil dan berbuat kebaikan, serta memberi bantuan kepada kaum kerabat dan milarang daripada melakukan perbuatan-perbuatan yang keji dan mungkar serta kezaliman. Dia mengajar kamu (dengan suruhan dan laranganNya ini), supaya kamu mengambil peringatan mematuhiNya." (An-Nahl ayat 90)

Walaubagaimana pun, menurut Nizaita Omar dan Zulkifly Muda (2006) terdapat satu faktor lain yang menjadi faktor penyumbang kepada perceraian iaitu hubungan seks sebelum berkahwin (*pre-marital sex*) yang akhirnya mengakibatkan ikatan perkahwinan menjadi rapuh serta hilang kepercayaan sesama sendiri. Perkara ini disokong oleh Dr Mariani Md Nor, pensyarah dari Jabatan Psikologi dan Kaunseling Universiti Malaya yang menjelaskan antara punca perlakuan seks sebelum berkahwin termasuk seks bebas ialah kesunyian hidup dan keseronokan bertemu pasangan yang sedia bertindak balas.

Di dalam Islam, perlakuan seks sebelum perkahwinan seperti zina merupakan perbuatan yang ditegah dan pelakunya dianggap telah melakukan dosa. Menurut Dr. Abdul Basit (2012) gejala tersebut boleh meruntuhkan institusi kekeluargaan dan mencetuskan permasalahan dalam masyarakat termasuklah kelahiran anak luar nikah, peningkatan kadar individu yang mengalami tekanan (*stress*), pergaduhan, penyebaran penyakit berjangkit dan sebagainya.

Sekiranya di rujuk kepada statistik yang dipetik oleh Jabatan Kemajuan Islam Malaysia (2011), kelahiran anak tidak sah taraf di Malaysia bagi tahun 2000 hingga 2010, didapati wujud peningkatan setiap tahun. Bagi tempoh tersebut dikenalpasti 381 732 orang anak tidak sah taraf telah dilahirkan dan daripada jumlah tersebut, sebanyak 45 556 iaitu 11.9 peratus telah dilahirkan di negeri Johor.

Oleh yang demikian, pelbagai punca boleh dikaitkan dengan isu kepincangan institusi kekeluargaan. Namun kajian ini akan merungkai dua persoalan utama yang mampu mencetuskan permasalahan tersebut iaitu scenario pemilihan pasangan dan aktiviti salah laku seks sebelum perkahwinan di kalangan bakal pengantin di daerah Johor Bahru.

1.2 Latar Belakang Masalah

Fenomena keruntuhan rumah tangga di negara ini bukanlah suatu perkara yang asing lantaran daripada kadar perceraian yang kian meningkat saban tahun. Keadaan tersebut sepatutnya dianggap bertentangan dengan norma kehidupan dan budaya umat Islam yang memandang perkahwinan sebagai ikatan murni yang perlu dipelihara. Sekiranya difahami dari konteks keberkatan hidup berumahtangga, matlamat perkahwinan tidak dapat dicapai dengan baik dan ia secara jelas merugikan kesatuan umat manusia amnya dan umat Islam secara khususnya.

Menurut Prof. Dr. Miqdad Yaljan (2004) dalam bukunya bertajuk "*al-Bayt al-Islami Kama Yanbaghi An Yakun*", perkahwinan merupakan persoalan hidup keseluruhannya, apatah lagi bagi kaum wanita dalam membuat penelitian terhadap bakal suami. Ini kerana kuasa talak terletak di tangan suami mereka. Menurut beliau lagi, sekiranya perceraian berlaku, ia pasti akan mendatangkan kesan yang negatif sama ada dari sudut sosial, psikologi dan ekonomi. Tambahan lagi pandangan negatif sesetengah masyarakat akan menambahkan lagi tekanan perasaan mereka yang terlibat. Oleh sebab itu, ia perlu dilalui dengan cara yang terbaik berdasarkan panduan dan peraturan yang telah ditetapkan oleh ajaran Islam.

Menurut Abdul Rahim (2006) krisis yang melibatkan institusi kekeluargaan di Amerika pada kurun ke 19 telah meninggalkan kesan ketara terhadap aliran sosial rakyatnya iaitu berlakunya kemerosotan kawalan dan fungsi keluarga terhadap anggotanya sehingga hilangnya unit pengeluaran ekonomi yang produktif, berlaku perubahan status wanita ke arah persamaan dengan lelaki , kadar perceraian meningkat serta meningkatnya bilangan lelaki dan wanita yang tidak berkahwin. Selain itu juga, tanggungjawab awam terhadap keluarga juga turut berlaku. Oleh yang demikian, keadaan seumpama ini pastinya boleh menyebabkan terbantutnya proses membangunkan modal insan yang berkualiti.

Isu kepincangan rumah tangga yang berlaku bukan sahaja mampu merosakkan sistem kekeluargaan, malah ia juga menggambarkan betapa rapuhnya nilai peradaban umat Islam di Negara ini. Keadaan ini menggambarkan Malaysia sudah hampir menyerupai Negara Barat yang mana masyarakatnya seolah-olah tidak lagi menganggap institusi kekeluargaan sebagai sesuatu yang kurang penting. Contohnya, menurut Abdul Rahim (2006) ,pada tahun 1924, 1/7 dari perkahwinan penduduk di Amerika Syarikat bercerai dan pada 1999 nisbah perceraian meningkat kepada 1/2 bagi setiap perkahwinan. Hakikat sedemikian amat menggusarkan sekiranya ia menular ke dalam Negara ini lantaran daripada peningakatan kadar perceraian pada masa kini. Statistik dalam jadual 1.1 mendapati sebanyak 326 380 pasangan di kalangan masyarakat Islam di Malaysia bercerai dalam tempoh 20 tahun di Negara ini. Jumlah tersebut dianggap tinggi kerana hampir mencapai 15 peratus daripada jumlah pasangan yang berkahwin dalam tempoh yang sama (2 191 784 pasangan).

Jadual 1.1: Pendaftaran Perceraian Di Malaysia Bagi Tahun 1990 Hingga 2010

Tahun	Jumlah Perceraian
1990	11194
1991	11310
1992	11207
1993	11643
1994	11637
1995	11474
1996	11053
1997	10668
1998	13317
1999	12172
2000	13605
2001	13403
2002	13937
2003	15488
2004	16702
2005	17749
2006	19955
2007	21140
2008	22800
2009	27891
2010	28035
Jumlah	326380

(Sumber : Jabatan Kemajuan Islam Malaysia, 2011)

Menurut Pengarah Bahagian Makro Ekonomi, Unit Perancang Ekonomi (EPU) melalui laporan akhbar Harian Metro bertarikh 12 Jun 2012 menjelaskan bahawa kadar

perceraian bagi rakyat Malaysia yang majoritinya melibatkan golongan yang berusia di antara 18 dan 50 tahun berada pada kadar 0.22 peratus pada 2010, Beliau turut menjelaskan bahawa antara punca meningkatnya kadar perceraian ialah tidak bersedia dari segi mental dan fizikal untuk berkahwin kerana mereka tidak memahami kehidupan selepas berkahwin serta pengabaian tanggungjawab dan terlalu mementingkan pekerjaan berbanding keluarga. Pelbagai faktor dikenalpasti menjadi punca hilangnya nilai kebahagian dalam rumahtangga sehingga meningkatnya kadar perceraian di Negara ini. Malah menurut Sulaiman Endut(1995) beliau mengenalpasti punca berlakunya perkara tersebut antaranya ialah faktor kecurangan, campur tangan pihak ketiga,masalah ekonomi dan masalah seksual serta komunikasi.

Selain itu juga, faktor yang boleh dikaitkan sebagai pencetus musibah ini antaranya pengabaian tanggungjawab dan nafkah, gejala keluar rumah tanpa kebenaran, penderaan fizikal dan mental serta ketidak adilan dalam rumahtangga. Senario ini boleh digambarkan melalui jadual 1.2 yang dinyatakan sebagaimana berikut;

Jadual 1.2 : Statistik Aduan Khidmat Nasihat Mengikut Klasifikasi Kes Di Seluruh Negeri Johor Bagi Tahun 2009 Hingga 2011

Klasifikasi Aduan Khidmat Nasihat	Bilangan Aduan (Kes)			Jumlah
	2009	2010	2011	
Tanggungjawab	2650	2221	2015	6886
Keluar Rumah	828	644	624	2096
Penagihan	150	124	144	418
Poligami	147	201	200	548
Nafkah	805	560	578	1943
Penderaan	456	344	373	1173
Campur Tangan	401	428	455	1284
Pelbagai / Lain-Lain	53	88	118	259
Hiv/Aids	11	2	3	16

Sumbang Mahram	25	4	3	32
Motivasi Kaunseling	219	868	1154	2241
Permohonan Cerai Biasa	1523	1576	1608	4707
Permohonan Cerai Taklik	354	264	218	836
Permohonan Cerai Fasakh	503	561	643	1707
Permohonan Cerai Khuluk	0	3	9	12
Jumlah	8125	7888	8145	24154

Sumber : Bahagian Pembangunan Keluarga Jabatan Agama Johor

Statistik Aduan Khidmat Nasihat Mengikut Klasifikasi Di Seluruh Negeri Johor Bagi Tahun 2009 Hingga 2011 seperti mana yang dinyatakan dalam jadual 2 secara jelas menunjukkan institusi kekeluargaan umat Islam di negeri Johor juga kian rapuh.

Sekiranya dihitung secara anggaran purata aduan bagi masalah rumah tangga yang direkodkan oleh Jabatan Agama Johor secara bulanan bagi tahun 2011, mendapati Pejabat Kadi Daerah Johor Bahru menerima aduan tertinggi iaitu 265 kes bagi setiap bulan dan Pejabat Kadi Daerah Ledang mencatatkan jumlah terendah iaitu 19 kes sebulan. Jumlah tersebut sewajarnya dilihat sebagai amat membimbangkan kerana matlamat perkahwinan di dalam Islam tidak dapat dicapai dengan jayanya. Malah, keadaan bertambah parah apabila dikenalpasti banyak pasangan yang menamatkan alam perkahwinannya dalam tempoh yang amat singkat iaitu kurang sepuluh tahun.

Malah, statistik dalam Jadual 1.3 telah menunjukkan bahawa bilangan pasangan yang bercerai dalam tempoh sepuluh tahun (2001 hingga 2010) di negeri Johor adalah amat tinggi iaitu 19 946. Walaupun statistik tidak menunjukkan peningkatan secara konsisten setiap tahun, namun bilangan tersebut sudah cukup untuk menjelaskan betapa rapuhnya hubungan perkahwinan yang telah dibina.

Jadual 1.3 : Pendaftaran Perceraian Di Negeri Johor Bagi Tahun 2001 Hingga 2010

Bil	Tahun	Bilangan
1	2001	963
2	2002	1627
3	2003	1612
4	2004	1690
5	2005	1521
6	2006	2001
7	2007	2057
8	2008	2329
9	2009	3353
10	2010	2793
Jumlah		19946

(Sumber : Data dan maklumat kekeluargaan / sosial masyarakat Islam di Malaysia JAKIM 2011)

Permasalahan ini dilihat semakin kritikal apabila dikenalpasti bahawa mereka yang terlibat dalam perceraian kebanyakannya melibatkan pasangan yang mendirikan perkahwinan dalam tempoh 1 hingga 5 tahun. Ia menunjukkan bahawa matlamat sebuah perkahwinan tidak dicapai dengan baik di kalangan masyarakat Islam di Negara ini. Oleh yang demikian, pelbagai aspek yang mempunyai kaitan dengan perkara ini perlu dikaji agar langkah mengatasinya dapat dilaksanakan.

Dalam kajian ini, penyelidik merungkai beberapa isu antaranya aspek pemilihan pasangan bagi melihat sama ada ia berlandaskan panduan syarak atau sebaliknya. Ini kerana masa depan atau hala tuju perkahwinan boleh ditentukan sejak sebelum berkahwin terutamanya dari sudut pemilihan pasangan. Menurut Ros Asmaniza (2003) fenomena yang berlaku pada hari ini, kebanyakan individu membuat keputusan dalam memilih

pasangan berdasarkan kecenderungan hati atau mengikut citarasa sendiri sehingga tidak dipandukan kepada saranan agama, ibubapa atau orang yang dipercayai. Manakala Suhaina (2006) menjelaskan bahawa terdapat dua cara pemilihan pasangan iaitu anak memilih pasangan mengikut kriteria yang disukainya dan pemilihan dibuat oleh ibubapa atau anggota keluarga termasuklah adik beradik, datuk, nenek, ibubapa saudara dan sebagainya.

Pemilihan pasangan pada hakikatnya boleh menjadi salah satu pencetus masalah keruntuhan rumah tangga sekiranya ia tidak difahami dan tidak dilakukan dengan betul. Aspek tersebut dianggap penting dalam mewujudkan keserasian dan persefahaman setelah akad nikah di meterai. Oleh sebab yang demikian, maka matlamat dalam pemilihan pasangan perlu difahami dengan tepat agar tidak mendatangkan mudarat kepada perkahwinan yang telah dimerterai.

Dalam konteks ini, pelbagai kepincangan boleh berlaku terhadap perkahwinan seseorang jika pasangan yang dikahwini tidak bersesuaian dan bertentangan dengan kehendak hati. Apatah lagi jika perkahwinan itu disebabkan oleh kes ditangkap khawat, desakan keluarga, ketelanjuran dan kehamilan sebelum berkahwin.

Surah an-Nur ayat 3 telah menjelaskan yang bermaksud :

“Lelaki yang berzina (lazimnya) tidak ingin berkahwin melainkan dengan perempuan berzina atau perempuan musyrik, dan perempuan yang berzina itu pula (lazimnya) tidak ingin berkahwin dengannya melainkan oleh lelaki yang berzina dan musyrik. Dan perkahwinan yang demikian itu terlarang kepada orang-orang yang beriman.” (Surah an-Nur : ayat 3)

Walaupun ayat tersebut menjelaskan kecenderungan bagi lelaki dan perempuan yang berzina untuk berkahwin, namun ia bukan bersifat perintah. Oleh yang demikian intipati ayat tersebut pada zahirnya tidak wajar menjadi pendesak ke arah perkahwinan

paksa atau seumpamanya. Malah undang-undang keluarga Islam di negeri-negeri seperti Enakmen Undang-Undang Keluarga Islam Negeri Johor 2003 tidak menjadikan seorang penzina lelaki untuk berkahwin dengan penzina perempuan.

Dalam ajaran Islam, pemilihan pasangan perlu dibuat berdasarkan ilmu yang dipandu oleh penghayatan iman di dalam diri. Maka pemilihan pasangan berdasarkan hawa nafsu semata-mata hanya akan meninggalkan kesan yang negatif. Ia bertepatan dengan firman Allah S.W.T di dalam surah Taha ayat ke 16 yang bermaksud ;

“Maka janganlah engkau dihalangi daripada mempercayainya oleh orang yang tidak beriman kepadanya serta ia menurut hawa nafsunya, kerana dengan itu kamu akan binasa.”

Oleh yang demikian, Mohamad Izwani (2002) memetik sabda Rasulullah S.A.W, yang bermaksud:

“Hendaklah kamu tidak menikahi wanita hanya kerana kecantikannya kerana mungkin kecantikannya memburukkannya. Dan janganlah pula kerana hartanya kerana barangkali hartanya menjadikannya melampaui batas. Nikahilah wanita kerana agamanya.

Imam Al-Ghazali dalam kitabnya yang berjudul *Ihya’ Ulum al-Din* telah menjelaskan tentang ciri-ciri yang perlu ada pada setiap pasangan suami dan isteri yang mana beliau menekankan empat kriteria utama iaitu kecantikan, harta, agama dan keturunan. Walau pun begitu beliau tidak meletakkan ciri-ciri sampingan seperti taraf umur, kesihatan tubuh badan dan sebagainya. Oleh yang demikian dapat difahami bahawa empat kriteria utama yang dinyatakan oleh Al-Ghazali merupakan asas yang menjadi panduan dalam proses pemilihan pasangan.

Menurut Abdullah Nasih ‘Ulwan (1993), beliau menggariskan lima kriteria utama yang perlu diberi perhatian dalam pemilihan pasangan iaitu asas agama yang kuat, kedudukan yang mulia dan baik, bukan dari kalangan saudara yang hampir, masih dara dan mampu melahirkan zuriat yang ramai .

Manakala Sayd Sabiq (1973) pula membuat tambahan kepada kriteria pasangan yang wajar dipilih iaitu bukan seorang pendera atau zalim, fasik dan pemabuk serta tidak mengamalkan ajaran Islam. Oleh yang demikian, terdapat empat kriteria utama pasangan yang menjadi asas pemilihan selain ia bertepatan dengan saranan Islam seperti yang dijelaskan oleh Rasulullah S.A.W.

Di samping itu juga, penyelidik melihat bahawa salahlaku seks sebelum berkahwin juga dapat membuktikan tahap kesedaran di kalangan bakal pengantin terhadap larangan agama. Perkara ini amat berkait rapat dengan soal keberkatan hidup yang seterusnya membawa seseorang ke arah kebahagiaan.

Sehubungan itu, menurut Nizaita Omar dan Zulkifly Muda (2006) terdapat satu faktor lain yang menjadi faktor penyumbang kepada perceraian iaitu hubungan seks sebelum berkahwin (*pre-marital sex*) yang akhirnya mengakibatkan ikatan perkahwinan menjadi rapuh serta hilang kepercayaan sesama sendiri.

Selain aspek pemilihan pasangan, kajian ini turut memberi penekanan terhadap salahlaku seks sebelum berkahwin di kalangan bakal pengantin. Penekanan ini dilihat amat penting memandangkan terdapat peningkatan kes-kes kesalahan jenayah syariah yang berkaitan dengan aktiviti seks yang melibatkan pasangan bukan suami isteri di Negeri Johor bagi tahun 2008 hingga 2010. (lihat Jadual 1.4)

Jadual 1.4 : Statistik Kesalahan Jenayah Syariah Yang Berkaitan Dengan Aktiviti Seks Yang Melibatkan Pasangan Bukan Suami Isteri Di Negeri Johor Bagi Tahun 2008 Hingga 2010

Bil	Jenis Kesalahan Jenayah	Tahun			Jumlah
		2008	2009	2010	
1	Persetubuhan Luar Nikah	780	840	1047	2667
2	Perbuatan Sebagai Persediaan Untuk Melakukan Persetubuhan Luar Nikah	4	6	11	21
3	Khalwat	2192	2923	3085	8200
Jumlah		2976	3769	4143	10888

(Sumber : Data dan Maklumat Kekeluargaan / Sosial Masyarakat Islam Di Malaysia JAKIM 2011)

Selain dari itu juga, perlakuan salah laku seks di kalangan pasangan belum berkahwin seringkali dilihat sebagai hilang nilai moral yang baik. Hal ini juga secara tidak langsung boleh merosakkan sistem nilai yang wujud dalam masyarakat. Perlakuan jenayah syariah terutamanya persetubuhan luar nikah, persediaan untuk melakukan persetubuhan luar nikah dan khalwat merupakan salah satu aktiviti yang termasuk dalam kategori salah laku seks yang sering berlaku. Perbuatan tersebut secara dasarnya boleh mendatangkan risiko negatif dalam sosio masyarakat di negara ini. Antara kesan yang ketara adalah meningkatnya kadar kelahiran anak tak sah taraf di mana sebanyak 51 334 (34 peratus) daripada 152 182 orang anak tak sah taraf dilahirkan adalah berbangsa Melayu yang menurut Perlembagaan Persekutuan sebagai beragama Islam bagi tempoh 2008 hingga 2010.

Selain itu juga, perlakuan salah laku seks juga boleh mengundang permasalahan pembuangan bayi yang mana data yang diperolehi dari Polis Di Raja Malaysia menunjukkan sebanyak 170 kes pembuangan bayi berlaku bagi tahun 2009 dan 2010.

Sekiranya permasalahan ini tidak dibendung, maka pembangunan negara pastinya akan turut terjejas kerana persepsi masyarakat dunia terhadap rakyat di negara ini yang tidak mempunyai sifat kemanusiaan yang jitu. Oleh yang demikian, adalah amat penting untuk merungkaikan beberapa persoalan iaitu sama ada wujudnya perlakuan seks di kalangan peserta kursus pra perkahwinan di daerah Johor Bahru dan adakah mereka terlibat dengan aktiviti seks tersebut?

Secara amnya, bilangan kes jenayah Syariah yang berkaitan dengan aktiviti seks adalah amat tinggi dan sewajarnya suatu pendekatan yang lebih efektif dilaksanakan untuk membendungnya. Oleh yang demikian, kajian ini juga akan menilai sejauhmana hubungan di antara faktor pemilihan pasangan dengan salahlaku seksual di kalangan bakal pengantin. Ini kerana wujud kecenderungan seksual di kalangan individu terbabit terhadap pasangannya.

1.3 Pernyataan Masalah

Kebahagiaan rumah tangga merupakan matlamat yang tidak boleh dinafikan bagi setiap orang yang ingin berumah tangga. Malah dari aspek pembangunan sesebuah masyarakat atau negara, Institusi kekeluargaan yang bahagia dilihat mampu memenuhi keperluan modal insan yang berkualiti. Hal yang demikian juga selaras dengan objektif pembangunan modal insan yang diperkenalkan oleh Perdana Menteri, Dato' Seri Abdullah Ahmad Badawi seperti mana katanya ;

“Pembangunan modal manusia menjadi sangat penting kepada negara pada masa depan dan mereka ini mestilah berkualiti, kualiti bukan sahaja dari segi pendidikan, kepakaran tetapi juga dari segi nilai moral yang tinggi, bertanggungjawab dan mengutamakan nilai-nilai murni dalam kehidupan”

Hakikatnya, pembangunan modal insan boleh terjejas dan terganggu sekiranya institusi kekeluargaan di negara ini menjadi lemah disebabkan oleh pelbagai kepincangan. Keruntuhan rumah tangga bukan sahaja melibatkan suami atau isteri, tetapi turut melibatkan anak-anak dan ahli keluarga serta masyarakat secara amnya. Misalnya, peningkatan kes perceraian suami isteri akan memberi kesan buruk kepada perkembangan emosi kanak-kanak. Perkara ini sebenarnya menjadi persoalan yang sangat penting untuk dijelaskan. Adakah perkahwinan yang dilangsungkan hanya berpaksikan kepada tuntunan nafsu, harta, keturunan, kecantikan atau penghayatan nilai agama dalam diri atau pun sebaliknya?

Oleh sebab Islam melihat perkahwinan merupakan perkara yang murni dan ikatan yang termeterai sebagai suci serta berupaya meneruskan kesinambungan sistem sosial dan masyarakat yang seimbang, maka kajian ini dilakukan untuk melihat senario pemilihan pasangan dan perlakuan aktiviti salahlaku seks di kalangan bakal pengantin di daerah Johor Bahru. Malah kajian ini juga turut melihat sama ada wujud atau tidak hubungan antara keduanya.

1.4 Objektif Kajian

Kajian ini dijalankan untuk mengenalpasti gaya pemilihan pasangan dan tingkah laku seksual serta hubungan keduanya di kalangan bakal pengantin di daerah Johor Bahru. Tujuan kajian ini secara khusus adalah seperti berikut :

- 1.4.1 Untuk mengenalpasti kriteria pemilihan bakal pasangan di kalangan bakal pengantin sama ada ia mengambil kira aspek kecantikan, harta, kecantikan atau penghayatan agama.

- 1.4.2 Untuk mengenalpasti aktiviti salah laku seks yang dilakukan oleh bakal pengantin
- 1.4.3 Untuk mengenalpasti hubungan pemilihan kriteria bakal pasangan dan salahlaku seks di kalangan bakal pengantin

1.5 Persoalan Kajian

Berdasarkan objektif yang dinyatakan di atas terdapat beberapa persoalan yang dikenal pasti untuk dianalisis iaitu :

- 1.5.1 Apakah kriteria pemilihan pasangan bakal pengantin memenuhi kehendak asas agama?
- 1.5.2 Adakah wujud salahlaku seksual di kalangan bakal pengantin sebelum berkahwin?
- 1.5.3 Adakah terdapat hubungan di antara faktor pemilihan pasangan dengan salahlaku seks di kalangan bakal pengantin?

1.6 Hipotesis Kajian

Bagi menjawab persoalan kajian ini, terdapat beberapa hipotesis yang telah dibentuk dan digambarkan dalam Rajah 1.1 iaitu :

- 1.6.1 Terdapat kecenderungan terhadap faktor agama dalam pemilihan pasangan di kalangan bakal pengantin

- 1.6.2 Terdapat kecenderungan terhadap faktor kecantikan dalam pemilihan pasangan di kalangan bakal pengantin
- 1.6.3 Terdapat kecenderungan terhadap faktor keturunan dalam pemilihan pasangan di kalangan bakal pengantin
- 1.6.4 Terdapat kecenderungan terhadap faktor harta dalam pemilihan pasangan di kalangan bakal pengantin
- 1.6.5 Terdapat perlakuan salahlaku seks di kalangan bakal pengantin
- 1.6.6 Terdapat hubungan signifikan di antara pemilihan faktor agama dengan aktiviti berpegangan tangan di kalangan bakal pengantin.
- 1.6.7 Terdapat hubungan signifikan di antara pemilihan faktor agama dengan aktiviti dipeluk atau memeluk di kalangan bakal pengantin.
- 1.6.8 Terdapat hubungan signifikan di antara pemilihan faktor agama dengan aktiviti diraba atau meraba di kalangan bakal pengantin.
- 1.6.9 Terdapat hubungan signifikan di antara pemilihan faktor agama dengan aktiviti dicium atau mencium di kalangan bakal pengantin.
- 1.6.10 Terdapat hubungan signifikan di antara pemilihan faktor agama dengan aktiviti melakukan oral seks di kalangan bakal pengantin.
- 1.6.11 Terdapat hubungan signifikan di antara pemilihan faktor agama dengan aktiviti zina di kalangan bakal pengantin.
- 1.6.12 Terdapat hubungan signifikan di antara pemilihan faktor kecantikan dengan aktiviti berpegangan tangan di kalangan bakal pengantin.
- 1.6.13 Terdapat hubungan signifikan di antara pemilihan faktor kecantikan dengan aktiviti dipeluk atau memeluk di kalangan bakal pengantin.
- 1.6.14 Terdapat hubungan signifikan di antara pemilihan faktor kecantikan dengan aktiviti diraba atau meraba di kalangan bakal pengantin.
- 1.6.15 Terdapat hubungan signifikan di antara pemilihan faktor kecantikan dengan aktiviti dicium atau mencium di kalangan bakal pengantin.
- 1.6.16 Terdapat hubungan signifikan di antara pemilihan faktor kecantikan dengan aktiviti melakukan oral seks di kalangan bakal pengantin.
- 1.6.17 Terdapat hubungan signifikan di antara pemilihan faktor kecantikan dengan aktiviti zina di kalangan bakal pengantin.

- 1.6.18 Terdapat hubungan signifikan di antara pemilihan faktor keturunan dengan aktiviti berpegangan tangan di kalangan bakal pengantin.
- 1.6.19 Terdapat hubungan signifikan di antara pemilihan faktor keturunan dengan aktiviti dipeluk atau memeluk di kalangan bakal pengantin.
- 1.6.20 Terdapat hubungan signifikan di antara pemilihan faktor keturunan dengan aktiviti diraba atau meraba di kalangan bakal pengantin.
- 1.6.21 Terdapat hubungan signifikan di antara pemilihan faktor keturunan dengan aktiviti dicium atau mencium di kalangan bakal pengantin.
- 1.6.22 Terdapat hubungan signifikan di antara pemilihan faktor keturunan dengan aktiviti melakukan oral seks di kalangan bakal pengantin.
- 1.6.23 Terdapat hubungan signifikan di antara pemilihan faktor keturunan dengan aktiviti zina di kalangan bakal pengantin.
- 1.6.24 Terdapat hubungan signifikan di antara pemilihan faktor harta dengan aktiviti berpegangan tangan di kalangan bakal pengantin.
- 1.6.25 Terdapat hubungan signifikan di antara pemilihan faktor harta dengan aktiviti dipeluk atau memeluk di kalangan bakal pengantin.
- 1.6.26 Terdapat hubungan signifikan di antara pemilihan faktor harta dengan aktiviti diraba atau meraba di kalangan bakal pengantin.
- 1.6.27 Terdapat hubungan signifikan di antara pemilihan faktor harta dengan aktiviti dicium atau mencium di kalangan bakal pengantin.
- 1.6.28 Terdapat hubungan signifikan di antara pemilihan faktor harta dengan aktiviti melakukan oral seks di kalangan bakal pengantin.
- 1.6.29 Terdapat hubungan signifikan di antara pemilihan faktor harta dengan aktiviti zina di kalangan bakal pengantin.


Rajah 1.1: Hipotesis Kajian



1.7 Kerangka Konsep Kajian

Kerangka konsep kajian ini dinyatakan sebagaimana yang dinyatakan dalam Rajah 1.2 iaitu:

Rajah 1.2 : Kerangka Konsep Kajian



Fokus kajian menjurus kepada dua pemboleh ubah utama iaitu faktor pemilihan pasangan dan faktor salah laku seksual di kalangan peserta kursus pra perkahwinan Islam di daerah Johor Bahru. Kajian juga akan menentukan secara signifikan hubungan antara pemilihan pasangan dan salahlaku seks.

1.8 Batasan Kajian

Skop kajian ini terbatas kepada bakal-bakal pengantin yang terdiri daripada peserta Kursus Pra Perkahwinan Islam di Daerah Johor Bahru yang dianjurkan oleh beberapa pihak iaitu;

dalam rumahtangga. Disamping itu juga, kesedaran terhadap tingkahlaku seks sebelum perkahwinan perlu diterapkan dalam masyarakat agar kepatuhan terhadap larangan agama dipenuhi dengan sebaiknya. Kepentingan kajian dapat dilihat melalui penglibatan pihak-pihak berikut ;

1.9.1 Majlis Agama Johor dan Jabatan Agama Johor

Dapatkan kajian ini akan memberi ruang kepada agensi pelaksana hal ehwal agama Islam di Johor terutamanya Majlis Agama Islam Johor dan Jabatan Agama Johor untuk merangka program-program bersesuaian melalui platform yang dinaunginya seperti sekolah-sekolah agama negeri Johor, masjid dan surau, Bahagian Penguatkuasaan Agama, Bahagian Pembangunan Keluarga dan sebagainya.

1.9.2 Tenaga pengajar Kursus Pra Perkahwinan

Kajian ini akan menjelaskan sama ada kursus pra perkahwinan yang dilaksanakan memadai atau sebaliknya dalam mengurangkan masalah keruntuhan rumahtangga di kalangan umat Islam di negeri Johor. Kursus ini bertujuan mencegah kelemahan dan keretakan rumahtangga di samping mengukuhkan lagi integriti atau keutuhan institusi perkahwinan. Oleh yang demikian, hasil kajian ini dilihat mampu menentukan sama ada gejala keruntuhan rumahtangga bermula pada sebelum atau selepas perkahwinan. Sekiranya ia cenderung berlaku pada selepas perkahwinan, maka satu usaha mengatasinya perlu dilakukan dan kajian ini wajar dijadikan rujukan pihak-pihak berkenaan.

1.9.3 Para pendakwah dan aktivis sosial

Tugas pendakwah sewajarnya dilihat sebagai tanggungjawab sosial dalam sesebuah masyarakat. Pada dasarnya keberkesanannya dalam usaha dakwah dapat dicapai sekiranya pengisiannya menepati golongan sasar. Oleh yang demikian, hasil kajian ini dilihat mampu membantu para pendakwah untuk menyampaikan mesej yang jelas berpandukan fakta yang terdapat dalam kajian ini kepada golongan sasar. Selain itu

jugadapatan kajian ini dapat memberi input yang baik dalam menggerakkan aktiviti-aktiviti berkaitan oleh para aktivis sosial tertentu.

1.10 Definisi Konsep dan Operational

1.10.1 Pemilihan pasangan

Pemilihan pasangan dimaksudkan dalam kontek untuk dijadikan suami atau isteri. Kajian ini akan memberi tumpuan kepada empat faktor atau kriteria utama yang dianjurkan oleh ajaran Islam iaitu;

i. Kecantikan

Kecantikan menurut Kamus Dewan Edisi Ketiga bermaksud perihal cantik, keelokkan, kemolekkan dan keindahan. Dalam kajian ini, kecantikan mengambil kira aspek rupa paras, tubuh badan, penampilan diri, pemakaian, gaya mempersona dan budi bahasa.

ii. Keturunan

Keturunan menurut Kamus Dewan Edisi Ketiga bermaksud baka, zuriat dan anak. Dalam kajian ini, keturunan termasuk darjat keturunan, bangsa, budaya keluarga, genetik dan pertalian saudara.

iii. Harta

Harta menurut Kamus Dewan Edisi Ketiga bermaksud barang-barang berharga yang dippunyai. Dalam kajian ini, harta termasuk pangkat, kedudukan dalam masyarakat dan kekayaan material

iv. Penghayatan agama

Penghayatan agama menurut Kamus Pelajar Edisi Kedua bermaksud menganut mengikut sesuatu ajaran, fahaman. Dalam kajian ini, penghayatan agama termasuk penguasaan ilmu agama, amalan kegamaan, sikap menghindarkan diri dari larangan agama dan komitmen melaksanakan amalan agama serta keprihatinan terhadap batasan keagaamaan.

1.10.2 Bakal pengantin

Bakal pengantin merupakan responden kajian yang terdiri daripada individu beragama Islam yang bakal atau mempunyai kecenderungan bernikah dan mengikuti kursus pra perkahwinan Islam di daerah Johor Bahru.

1.10.3 Agama

Menurut Kamus Dewan Edisi Ketiga, agama dimaksudkan sebagai kepercayaan kepada Tuhan dan sifat-sifatnya serta kekuasaan Tuhan dan penerimaan ajaran dan perintahNya ataupun kepercayaan kepada Yang Maha Kuasa. Agama dan kepercayaan merupakan dua pekara yang sangat berkaitan. Namun agama mempunyai makna yang lebih luas, yakni merujuk kepada satu sistem kepercayaan yang kohensif, dan kepercayaan ini adalah mengenai aspek ketuhanan. Namun dalam kajian ini, istilah agama merujuk kepada agama Islam sahaja.

1.10.4 Salahlaku seksual

Moore dan Rosenthal (1993) mendapati tingkahlaku seks sebagai kegiatan sociosexual yang melibatkan perbuatan dari bercium hingga bersetubuh. Manakala Ahmad (1991) membahagikan tingkahlaku seks kepada beberapa aktiviti:

1. Tingkahlaku seks quaternary yang melibatkan penglihatan, pendengaran dan penghiduan (termasuk berbogel) yang menimbulkan keghairahan untuk bersetubuh
2. Tingkahlaku seks tertiary yang melibatkan persentuhan, berpelukan dan berciuman.
3. Tingkahlaku seks secondary yang melibatkan kemaluan tetapi bukan persetubuhan (iaitu oral seks, kemasukan zakar celah peha atau antara dua buah dada perempuan)
4. Tingkahlaku seks primary iaitu persetubuhan termasuk liwat

Namun dalam kajian ini, fokus akan diberikan hanya kepada salahlaku seks dan ia dibahagikan kepada aktiviti berikut;

- i. Berpegangan tangan

Bagi tujuan kajian ini, berpegangan tangan boleh difahami sebagai perbuatan memegang, mengusap, membelai atau memimpin tangan secara rela sama ada bagi lelaki atau perempuan.

ii. Memeluk atau dipeluk

Bagi tujuan kajian ini, memeluk atau dipeluk boleh difahami sebagai perbuatan merangkul bahu, dada atau perut atau berdakap secara berdepan atau membelaangi sehingga menimbulkan rasa berahi.

iii. Meraba atau diraba

Bagi tujuan kajian ini, meraba atau diraba boleh difahami sebagai perbuatan meraba bahagian-bahagian badan yang mudah terangsang seperti leher, payudara, peha, punggung dan kemaluan.

iv. Mencium atau dicium

Bagi tujuan kajian ini, mencium atau dicium boleh difahami sebagai perbuatan saling mengucup atau menyedut bagi menzahirkan perasaan kasih, berahi, rindu dan sebagainya.

v. Oral seks atau onani

Bagi tujuan kajian ini, oral seks boleh difahami sebagai perbuatan menjilat, mencium, mengigit mesra atau memasukkan kemaluan dengan menggunakan mulut dan lidah. Manakala onani boleh difahami sebagai perbuatan menggunakan tangan atau benda untuk mengeluarkan air mani dari kemaluannya.

vi. Zina

Bagi tujuan kajian ini, zina boleh difahami sebagai persetubuhan haram yang juga merupakan perbuatan seks luar nikah di mana pelaku menggunakan organ seksnya (zakar dan faraj) untuk melempaskan nafsu syahwat atau keghairahan sama ada dengan mengeluarkan air mani atau sebaliknya.

1.11 Penutup

Dalam bab ini, penyelidik telah menerangkan berkenaan pengenalan kajian, latar belakang masalah, penyataan masalah, objektif kajian, persoalan kajian, kepentingan kajian dan definisi konsep dan operasional kajian. Oleh yang demikian, kajian ini adalah bertujuan bagi melihat gaya pemilihan pasangan dan tingkahlaku seksual sebelum perkahwinan di kalangan bakal pengantin di Daerah Johor Bahru serta hubungan keduanya.

BIBLIOGRAFI

- Abdul Basit, Dr. (2012) *Keindahan Islam : Hikmah-Hikmah di Sebalik Pensyariatan*, Telaga Biru Sdn Bhd, Kuala Lumpur
- Abd. Rahim Abd. Rashid dan Abu Talib Muda (2006) Kertas Kerja : *Isu Dan Trend Perkahwinan Masyarakat Moden*, Seminar Falsafah Perkahwinan, 29-30 Mac 2006, Fakulti Pendidikan, Universiti Malaya, Kuala Lumpur
- Al-‘Aqad, Abbas Mahmud *Al-Falsafah al-Quraniyah*, Beirut: Dar al-Kitab al-‘Arabi.
- Abd. Karim al-Khatib (1980), *Al-Tafsir al-Quran li al-Quran*, Vol. 6,
- Abi Hamid Muhammad bin al-Ghazali (t.t), *Ihya’ Ulum al-Din*, Jld 2, Maktabah Wa Matba’ah Muhammad Ali Sabih wa Alauddin.
- Abdullah Nasih ‘Ulwan (1993) *Tarbiyah al-Awlad fi al-Islam*, Jld 1, Dar al-Salam.
- Abdul mujib (1999), *Fitrah dan Keperibadian Islam: Sebuah Pendekatan Psikologis*. Jakarta.Darul Falah
- Al-Shaikh Khalid Abd. Rahman (1998) *Adab al-Hayah Al-Zawjiyyah*, darul ma’rifah, Beirut
- Ahmad Hanif (2003) , “Satu Analisa Terhadap Penyelewengan Tingkahlaku Seksual Dikalangan Remaja Islam : Satu Kajian Kes Di Felda Sungai Mas, Kota Tinggi, Johor” UTM Skudai.
- Asiah Binti Ali & Faizah Binti Abd Ghani, Dr.(2010) *Fenomena Gaya Bercinta Dengan Kecenderungan Salah laku Seksual : Dalam Kalangan Pelajar Sekolah menengah Daerah Johor Bahru*, Skudai: Universiti Teknologi Malaysia
- Alan Goldman (1997) “Plain sex” from philosophy and public affairs, 6, 3 (spring 1997) princeton university press)
- Buss, D. M. & Barnes, M. L. (1986). Preferences in Human Mate Selection. *Journal of Personality and Social Psychology*, 50, 559-570.

- Berna Miller Torr (2005), The Marriage Gradient Transition: *Changing Selection Into Marriage by Education and Income for Men and Women 1940-2000*, Brown University.
- Buunk, B., Dijkstra,P., Fetchenhauer,D., & Kenrick,D. (2002) *Age and Gender Differences In Mate Selection Criteria For Various Involvement Levels. Personal Relationships*, 9, 271-278.
- Berita Minggu, 3 Oktober 2004
- Campos,L.,Otta,E., And Siqueira (2002) Sexs Differences In Mate Selection Strategies: *Content Analyses And Responses To Advertisement In Brazil. Evolution And Human Behaviour*, 23, 395-406)
- DeGenova, M. K. (1997). *Families in Cultural Context*. Mountain View, CA: Mayfield.
- Evelyn Ruth Millis Duvall, Brent C. Miller (1985) Marriage and family development, 6th edition, Harper & Row, 1985
- Ezad Azraai Jamsari (2004) Pengajian Islam,Fajar Bakti, Kuala Lumpur
Harian Metro, Setempat, Selasa 12Jun 2012
- Fakhr al-Din al-Razi (1981) *Al-Tafsir al-Kabir*, , Dar al-Fikr
- Hajah Suhaina (2006) *Erti Sebuah Perkahwinan, Kertas Kerja Seminar Falsafah Perkahwinan*, 29-30 Mac 2006,Fakulti Pendidikan, Universiti Malaya, Kuala Lumpur
- Ibn Jarir Al-Tabari, *Jamie al-Bayan fi Ta'wil al-Quran*, , Vo. 10.
- John W.Cresswell (2008), *Educational Research-Planning, Conducting and Evaluating Quantitative dan Qualitative Reseach*, 3rd Ed.
- James E. White (2003) *Contemporary Moral Problems* Wadsworth Publishing; 7th edition (March 12, 2002)
- J. Philippe Rushton and Trudy Ann Bons (2005) *Mate Choice and Friendship in Twins Evidence for Genetic Similarity*, (Research Article)The University of Western Ontario, London, Ontario, Canada
- Krejcie, R.V. & Morgan, D.W. 1970. Determining sample size for research activities.
Educational and psychological measurement. 30:607-610.
- Kosmo, Khamis 16 Mac 2006

- Linton,R. (1936) *The Study Of Man: An Introduction*. New York: Appleton-Century Company.
- MastersW.H, Johnson V.E and Kolodny R.C (1988) *Human Sexuality (3rd)* Glenview, IL Scot, Foresman.
- Mohamad Izwani Kassim (2002), *Kaedah Mencari Pasangan Cara Islam: Kajian Terhadap Pelajar-Pelajar Sarjana Muda Sains Serta Pendidikan (Pengajian Islam)* UTM, Skudai.
- Mohd Najib Ghafar. (2003). *Reka Bentuk Tinjauan Soal Selidik*. Kuala Lumpur: Dewan Bahasa dan Pustaka.
- Mohd Majid Konting. (1998). *Kaedah Penyelidikan Pendidikan*. Kuala Lumpur: Dewan Bahasa dan Pustaka
- Mohd Salleh Abu, & Zaidatun Tasir (2001). *Pengenalan Kepada Analisa Data Berkomputer: SPSS 10.0 for Windows* Kuala Lumpur: Venton.
- Muhammad Khalil 'Aytani (2010) *al-Mufradat fi Gharib al-Qur'an: Arabic, al-Raghib al-Asfahani*, Dar al Marefah Beirut Lebanon
- Majalah Sinar Rohani, Oktober 2004
- Nizaita Omar dan Zulkifly Muda (2006) *Falsafah Perkahwinan Dalam Islam: Sorotan Kajian Terhadap Sumber Teks Tamadun Islam Dan Seerah Nabawiyyah*, Kertas Kerja Seminar Falsafah Perkahwinan, 29-30 Mac 2006,Fakulti Pendidikan, Universiti Malaya, Kuala Lumpur
- Petikan sidang akhbar dari Y.A.B Perdana Menteri Malaysia ketika Kempen Budi Bahasa dan Nilai-Nilai Murni pada 11hb Januari 2005, di Istana Budaya, Kuala Lumpur
- Qutub, Muhammad (1973) *Qasabat min al-Rasul*, Beirut : Dar al-Syuruk. hlm 57-61
- Rizal Abu Bakar (2009) *Kaunseling Daripada Perspektif Islam*, Utusan Publications & Distributions Sdn Bhd
- Ros Asmaniza Abd Latif (2003) *Kriteria Pemilihan Pasangan: Satu Kajian Di Kalangan Masyarakat Islam Di Besut Terengganu*, Universiti Malaya
- Shahih Bukhari ((Terjemahan)(2009), Darel Fajr Publishing House, Jld I,II,III,IV, Singapore
- Shaikh Khalid Abdul Rahman(1998) *Adab al Hayah al Zawjah , ,* Darul Ma'rifah, Beirut

Sulaiman Endut(1995) *Perceraian : Punca dan Penyelesaian*, (Prosiding Kertas Kerja Gejala Sosial) UUM

Suhaina Mat Ludin (2006) *Asas Perkahwinan Bahagia dan Punca Kegagalan Perkahwinan*, Kertas Kerja Seminar Falsafah Perkahwinan, 29-30 Mac 2006,Fakulti Pendidikan, Universiti Malaya, Kuala Lumpur

Sayd sabiq (1973) *Fiqh al-Sunnah*, Dar al-Kitab al-Arabi, Lubnan.

Strauss, Anselm L (1945) *A study of three psychological factors affecting choice of mate in a college-metropolitan population* . Abstract Thesis (Ph. D.),University of Chicago

Teks Khutbah Jumaat, 22 Zulhijjah 1432H bersamaan 18 November 2011M, Jabatan Agama Islam Negeri Sabah

Todosijevi , B., Ljubinkovi , S. and Aran i , A. (2003). Mate selection criteria: A trait desirability assessment study of sex differences in Serbia. *Evolutionary Psychology*, 1:116-126.

Zainal azam abdul rahman (2005) “*Pemantapan Akhlak Dan Etika Korporat: Perspektif Islam*”. Seminar Islam Hadhari Kefahaman Tentang Keutuhan Moral. IKIM. 13-14 April 2005.